

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quomodo Armeni & Persæ Christianæ religioni sese dediderint. Cap. VII.

urn:nbn:de:hbz:466:1-12718

& in basibus firmè locantur. Fertur tamen, prima & secùda
erecta, tertiam columnam perdifficilem fuisse, ad loco suo
statuendū neq; peritorum artificū opera rectè locari, neq;
hominum viribus, quanuis multi in ea in altum subuchen-
da laborarent, in suum locum induci potuisse. At cum nox
aduentasset, & captiuā sola (nam tum cæteri omnes, tum rex
imprimis, inde animo anxi & conturbato decesserat) ibi
totam noctem vigilans, Deum enixè præcata esset, colum-
nas facilè erectas fuisse. Nam quæ ad medianam altitudinem
erecta erat, obliquè suspensa hærebat, pedeque in solo fixa
manebat immobilis, idque non alia de causa, quæ ut Ibe-
rum in Deum fides multò magis inde, quæ ex antegressis
miraculis confirmaretur. Nam cum prima luce ad ecclesi-
am accederent, columnæ, quæ pridie eius diei steterat im-
mobilis (res planè admirabilis & somnio similis) erecta
quidem iam videbatur, sed exiguo tamen interuallo inter-
iecto supra basim suspensa manebat. Quam rem omni-
bus cum stupore admirantibus, & Christum verum Deum
confitentibus, columnæ in conspectu eorum suopte nu-
tu pedetentim delapsa, in basi, perinde ac si arte factum fu-
isset, se ipsam defigebat. His confectis rebus, reliquæ co-
lumnæ facile erectæ sunt, Iberesque quod restabat operis,
alacrioribus animis absolverunt. Itaque ecclesia studio ac-
curato ædificata, captiuæ admonitu, mittuntur legati ad
Constantinum imperatorem Romanum, societatem & fo-
dera cù eo facturi: petituriq; pro his rebus sacerdotes, qui
ad suam gentē docendam mittantur. Cum autē imperatori
exposuissent, & quæ apud ipsos accidissent, & quo pacto v-
niuersa gens sedulo admodum Christū coleret, eorū lega-
tione vehementer delectatus est. Qui cum omnia, quæ vo-
lebant, perfecisset, eos dimisit. Ad hunc modum Iberes fu-
ere ad fidem in Christum induiti, & eum adhuc permagno
studio colunt.

*Quomodo Armeni & Persæ Christianæ religioni
se dediderint.* CAP. VII.

DEinceptis, autem religio Christiana ad gétes finitimas
permanauit, et in multos diffusa est. Armenios autem
iá ante se ad fidem Christi recepisse accepi. Nā fertur
Terida-

SOZOMENI HISTOR.

Teridatē, qui tum huic genti præerat, admirabili quadā & diuina visione, quę circa illius cędes fortè apparuerat, nō modo ad Christianam religionem vocatum esse, verū etiā edito oībus subiectis imperasse, vt fidei Christi se addiceret. Postea verò ad vicinas gentes eadem perusit religio, & ad multos vagata est. Quod ad Persas spectat ex illis initio Christianos arbitror factos fuisse nōnullos, qui propter cōsuetudinem, quā habebant cum Osroenis & Armeniis, in colloquiū, vt verisimile est, cum diuinis viris, qui ibi erāt, venerant, & virtutis eorum periculum fecerant.

De Sapore Persarum rege, quanto contra Christianos odio exarserit, & Symione Persidis Episcopo, & VS Ibazane Eunucbo, q̄ strenuè martyris certamen peregerit.

CAP. VIII.

CVm autem tempore progrediente numerus eorum vehementer cresceret, adeo vt conuentus agere, & sacerdotes ac diaconos habere cœperint, hæc res non mediocriter offendebat animos Magorum, qui velut tribus aliqua aut sacerdotalis stirps successione quadam religionem Persarum inde ferè ab initio administrauerant. Iudæos quoque permagna affecit molestia, qui præ inuidia naturaliter quodammodo ipsis insita religioni Christianæ semper infensi esse solent: & ob eam causam Symeonem id temporis Seleuciæ, & Ctesiphontis, vrbis in Perside primariæ archiepiscopum, cœperunt apud Saporem tum regem Persarum accusare, quod imperatori amicus esset, quodque ei res Persarum proderet. Quorum calumniis persuasus Sappores, primo omnium tributis immoderatis eo affligit Christianos, quod ipsorum quā plurimos voluntariam egestatem excolare norat. Deinde vires difficilibus & inhumanis illorū tributorū exigendorū potestatem dat, quō & inopia pecuniae, & exactorum feritate coacti, suam religionem aspernari inciperent. De qua una re summopere ab eo laboratū est. Posthæc sacerdotes & ministros dei, gladio trucidari, ecclesiæ dirui, earū thesauros ac monimenta in publicum proferri, & Symeonem, vt regni